

FERDINANDUS DEI GRATIA PRINCEPS

& infans Hispaniarum, Archidux Austriae, Dux Burgundiae, &c.

Imperialis locum tenens generalis, &c.

NOBILI, ET FIDELIBVS NOBIS DILECTIS, LEONARDO  
Comiti de Nugarolis, Sacrae Caesareae & Catholicae Maiest. &c. ac Sigismundo de  
Herberstein, Equiti aurato, Consiliarijs & Oratoribus nostris ad Se-  
renissimum Principem Moscovitarum.



NOBILIS, & fideles dilecti: Cum nuper apud nos  
substitissent Lubinge Moscovitici oratores à Cæsa-  
re reuersi, per Consiliariū nostrum Doctorẽ Ioan-  
nem Fabrum sciscitati sumus de fide & religione  
ac ceremonijs gentis. Quæ omnia idem Consilia-  
rius noster, ut ab eis acceperat, in libellū postea di-  
gessit. Quem ea potissimum ratione hisce adiun-  
ctū mittimus, ut lectus à uobis suggerat, refricetq̃  
memoriam, si quid eorum uel uideritis, uel obseruaueritis, quod protin-  
us uestro oculato testimonio, uel obseruatione possit probari. Itaque  
iniungimus uobis, ut diligenter tam rationem fidei, quam ceremonias e-  
tiam, ad eum modum inquiratis, per occasionem. quam ipsi ad indu-  
striam & ingenium uestrum assumetis, ut certius de omnibus sic infor-  
mati, huius gentis religionem & ritum assequamur, quem & in sacris &  
prophanis rebus soleant obseruare. Quod si quodpiam exemplar Mis-  
siale, uel ceremoniarum alius liber, unde deprehendi facile possit sacro-  
rum eorundem operatio circa Eucharistiam, & alia, commodè in manus  
uestras inciderint, nobis gratum erit, ut comparentur: qui cupimus sci-  
re ad amussim, ubi conueniant, uel discrepent, in articulis fidei, ac ce-  
remonijs. Erit nobis hæc inquisitio, & labor omnis uester, periucun-  
dus; neque uobis difficilis: quem ut omni studio prosequi uelitis, nostra  
est benegrata uoluntas. Datum Augustæ, die prima mensis  
Februarij: Anno Domini M. D. XXVI.

Ferdinandus S.

Ad mandatum serenissimi Domini Principis  
Archiducis proprium,  
Iacob. Spiegl, &c.